

Yungzsuij Vwnzva Lijyouz Doxgap Coengh Hwngfat

融水文旅融合发展

5 nyied 19 hauh, ngoenz bozvuzgvany seiqgyaiq、ngoenz lijyouz Cungguek、ngoenz cienzdoh yisuz daengx biengz yaek daeuj daengz, Yungzsuij Myauzcuz Swciyen haiguh aen hozdung Bi 2022 Vwnzboz Lijyouz Yisuz Couh caeuq aen yizsiz hainduj lwnhgangj aen cawjdaez “giengz guek fukhwng miz gou”. Yienhciengz miz vwnzyi biujyienj、langhbaij feihyiz、lwnh cihsiz vwnzboz daengj, yinx daeuj haujlai vunz comzyawj. Aen yienh neix yaek laebdaeb yungh ndei gij lizsij vwnzva、minzsug vwnzva daengj dieg de, gyavaiq vwnzva yisuz caeuq lijyouz doxyungz, doidoengh saehnieb vwnzva lijyouz hwngfat ndaej caetliengh sang, coenghregz hwnghoengh lajmbanj.

(Lungz Dauh/龙涛)



▲ Aen hozdung laeng Yungzsuij Myauzcuz Swciyen guh ndaej nauhyied raeuh.



▲Boux senjsouj ndeu cingq nyinhcaen hai cahceh.

Nungzminzgungh Nanzdanh Doxdax Dinfwngz

南丹举办农民工技能大赛

5 nyied 20 hauh, Nanzdanh Yen guh Gaiq Daihcaet Nungzminzgungh Doxdax Dinfwngz. Gyoengqde doxdax caep cien、ganq bouxlaux、guh faenj、hai cahceh、coih dien daengj 12 aen hanghmoeg. Saek bak boux vunz camgya doxdax, cien lai boux vunz ngonzyawj. Daj bi 2013 daengz seizneix, aen doxdax neix vih daezsang gij bonjsaeh nungzminzgungh yienh de、coengh gyoengqde couhnieb cauhnieb ok le faenh rengzmbwk ndeu.

(Cinz Siujsungh/陈小松)

Ningzmingz Haeuj Mbanjyauz Lwnh Fapceih

宁明法制宣传进瑶寨

5 nyied 20 hauh, cwngfaz bouhmonz Ningzmingz Yen bae Naznanz Yangh Mbanjfungzlouz lwnhgangj 《Aen Fap Fanj Miz Cujciz Famhcoih》 daengj faplwd hawj vunzlai Yauzcuz. Daj aen fap neix saedhengz doxdaeuj, Ningzmingz Yen cauhoq hingzsih lwnhgangj, haeuj gihgvanh、lajmbanj daengj lwnhgangj aen faplwd neix, hawj cihsiz faplwd haeujrwz youh haeujsim.

(Couh Yizgangh/周贻刚)



▲Bouxguh Hong gangj cihsiz faplwd hawj vunzlai Yauzcuz.



▲Song boux cujboh cigboh gai caz.

Ngoenz Caz Seiqgyaiq, Namzningz Heiq Caz Hom

国际茶日，茶香满邕城

5 nyied 21 hauh, Nanzningz Si guh Bi 2022 Ngoenz Caz Seiqgyaiq Laeng Gvangsih caeuq Gaiq Cibseiq Ngoenz Daengx Biengz Gwn Caz. Hajcib lai aen giyez mbawcaz camgya hozdung, yienhciengz cimz raemxcax、gwnzmuengx cigboh、langhbaij guh gaicawx daengj, cienzboq le caz vwnzva, bang gai caz, doidoengh canjnieb caz gih raeuz guhhoengh hwngfat.

(Yiz Sienghceenz/喻湘泉)